



PORT KLANG AUTHORITY

Beg Berkunci 202, Jalan Pelabuhan Utara, 42005 Pelabuhan Klang
Tel: 03-3168 8211 Fax: 03-3168 8228

KENYATAAN MEDIA 1 Mac 2022 (Selasa)

PELABUHAN KLANG MENGANJURKAN PERSIDANGAN PENGANGKUTAN MARITIM BAGI MEMBINCANGKAN CABARAN COVID-19

KUALA LUMPUR, 1 MAC 2022 – YB. Datuk Seri Ir. Dr. Wee Ka Siong, Menteri Pengangkutan Malaysia hari ini merasmikan program persidangan dan pameran 19th ASEAN Ports and Shipping Conference and Exhibition yang bertemakan “*Cultivating Adaptability and Resilience in the Maritime Industry*” di Hotel InterContinental Kuala Lumpur, Malaysia. Persidangan dan pameran tahunan ini merupakan program utama industri pengangkutan dan maritim termasuk pelabuhan, perkapalan dan logistik di ASEAN dan arena global.

Persidangan ini merupakan program antarabangsa utama pertama bagi industri sejak penarikan balik Perintah Kawalan Pergerakan (PKP) di seluruh Malaysia. Dianggarkan bahawa sektor perkapalan dan pelabuhan mengendalikan lebih 80% volum dagangan global dan 70% daripada nilai dagangan keseluruhan. Kejutan ekonomi menguji daya tahan dan kebolehsuaian industri pelabuhan dan perkapalan. Pandemik Covid-19 telah mencetuskan impak baharu dan tidak pernah berlaku sebelum ini pada rantai bekalan global dan industri pelabuhan dan perkapalan, yang menjejaskan pembangunan ekonomi banyak negara. Gangguan Covid-19 telah meningkatkan keperluan untuk membina daya tahan dan telah menghidupkan semula perdebatan mengenai globalisasi dan rantai bekalan masa depan.

Oleh yang demikian, persidangan yang dianjurkan oleh Lembaga Pelabuhan Kelang (LPK) ini bertujuan untuk membantu industri membuat keputusan bagi membantu pemulihan ekonomi global dan memberi peluang kepada peserta bertukar-tukar pandangan mengenai cabaran dan persediaan untuk menyelesaikan isu semasa yang tercetus semasa pandemik.

Topik utama persidangan tersebut termasuk perkembangan terkini mengenai corak perdagangan global, kemunculan teknologi baharu termasuk pendigitalan serta inisiatif pelabuhan hijau dan pembangunan industri maritim yang mampan dalam konteks cabaran perubahan iklim, strategi pelaburan pelabuhan, daya tahan kewangan dalam menghadapi sebarang rintangan pada masa depan.

Penganjuran persidangan yang disokong oleh Kementerian Pengangkutan itu juga akan meningkatkan strategi Malaysia sebagai negara maritim yang progresif dan berperanan penting dalam memudahkan perdagangan global khususnya dalam rantau ASEAN.



..... TAMAT